

Supervizor za Brčko pozdravlja dogovor o spomenicima veteranima rata



Supervizor za Brčko, dr. Raffi Gregorian, pozdravlja dogovor koji je postignut između predstavnika boraca tri vojske iz ratnog perioda o izgradnji spomenika za pripadnike ARBiH i HVO u centru grada Brčko i dogovor koji su jednoglasno prihvatile političke stranke koje formiraju koalicijsku vladu Distrikta kojim se podržava izgradnja istih.

Ovim dogovorima okončava se dugotrajni spor u vezi sa lokacijama za spomenike i oni konačno stavljaju udruge sve tri vojske iz ratnog perioda u ravnopravan položaj, u skladnosti sa Konačnom odlukom, Statutom i Zakonom Distrikta o spomenicima i simbolima. Supervizor upućuje pohvale udrugama i političkim strankama za trud koji su uložili na rješavanju ovog pitanja u atmosferi tolerancije, dijaloga i uvažavanja, i obećao je da će pomoći da omogući i ubrza provođenje ovih dogovora.

«Distrikt je još jednom demonstrirao da zaslužuje da, kao što je najavljeno, bude proglašen za grad dijaloga i kulture mira», rekao je supervizor i pozvao vlasti da također pronađu dostojanstven način da odaju počast civilnim žrtvama rata.